

B. Serbske katholske wosady.

Přir.: Jakub Kral (Lehrer in Radibor): Die katholischen Kirchen und Schulen im Königreich Sachsen. Nach älteren und neueren Nachrichten bearbeitet. Dresden 1876. Im Selbstverlage des Verfassers.

Jakub-Kučank: Serbske Horne Łužicy. Budyšin 1848. Str. 54 sl.

NB. Štož cyrkwinski a šulsku wyšnosé, mjena fararjow při jednotliwych cyrkwjach, stawizny wosadow, cyrkwinske a šulske wustawy atd. nastupa, tu njepodawamy, dokelž je to wšo nadrobno w spomnjenej Kralowej knižcy zapisane.

I. (28.) Budyšska serbska wosada sw. Marije.

Zafarowane wsy: 1) Hruboćicy (Grubtitz), 2) Bělšecy (vulgo Bělčecy, Ebendörfel, hišće w zańdž. lětst. Belschwitz, přjedy Bilsswitz), 3) Mnišonc (mišnjanski a lužiski džěl, Mönchswalde Meissn. und Laus. Seits), 4) Džěžnikecy (Sinkwitz*), 5) Słona Boršć (Salzenforst), 6) Hrubjelčicy (Grubschütz), 7) Čemjericy abo Čemjericy (Temritz, w lisćinach: Temmeritz), 8) Hněwsecy (Nimschütz, w star. lisć. Gnewtitz), 9) Dalicy (Dahlowitz), 10) Khelno (Cölln, lisć. Vorst Klix oder Kelne), 11) Stróžišćo (Strohschütz). — Ad sacra připokazani su wšitcy katholscy Serbja, kiž w měsće Budyšinje a w evangelskich wsach Michałskeje wosady bydla, kaž tež z Hornjeho Hunjowa a Čěchorec Hodzijskeje wosady.

Cyrkej: W farskej cyrkwi su kemše, mejske a druge pobožnosće stajnje serbske, dokelž maju ći někotři Němcy ze wsow z němskimi měščanami tachantsku cyrkej. Při njej skutkuja 1 farań a 2 kapłanaj, Serbja. — Na kemšach spěwa so z Wałdowych serbskich spěwařskich. — Kemšerjow je stajnje na 500.

Šula: Za katolikow wobstoji w Budyšinje „tachantska šula“ z dvěmaj wotdželenjomaj: a) cyłodnjowska měščanska a b) pođnjowska wjesna šula. Najpřjedy bě tudy wosebita farska šula, potom wjesna serbska šula (blizko cyrkwe sw. Marije), a nětko je pođnjowska šula po šulskim zakonju žadana sobu za serbske džěći serbskeje wosady; we njej podawa so nabožina serbskim džěćom wot kapłana serbski. Nimo toho dawa jim kapłan Skala wosebje serbske hodžiny, kotrež tež serbske džěći z „měščan-